

مدبر مسئول
احمد شیرانی



صاحب امتیاز
احمد شیرانی



اعتصام

واعتصموا

۸ کلون نانی
سنه ۱۳۳۶

{ هر پنجشنبه کوفی نشر اول نور }

۱۶ ربیع الآخر
سنه ۱۳۳۸

(اوریه نت نیوز) غزته سنك اسناداتنه قارشى مدافعة شریعت

استانبولده انكلیزجه اوله رق انتشار ایتمکده بولتان (اوریه نت نیوز) غزته سی حضرت محمد علیه الصلوٰة والسلام افندمرك ولادتی مناسبتیه بر مقاله یازمش و بو خصوصه عائد فقرلرینك ترجمه سنی اعتصامله افطار قارئنه عرض ایله مش ایدك . شریعت اسلامیه حقیقه بعض فقره لرله تقدیر خوان کورونان محرم مقاله، سوکره دن مطلع اولدیغمز دیگر بعض فقره لرله ده بلكه یا کلس بر تنقیدکارلق کوسترمش در . شیخ الاسلامك طرز فعالیتلرندن بحث ایدرکن ، [عناصر مختلفه یی نظر قانونده مساوی طوئان بر مشروطیتی شیخ الاسلام افندیك وضعیت ایله تألیفه قطعاً امکان یوقدر] دییور . بوسوز بر آرز دهس تحلیل ایدیلنجه شسو نتیجه حاصل اولور : مشروطیت اداره غیرمسلمله مسلملرله مساوات حقوقیه بخش ایدر ، شریعت اسلامیه ایسه بولا مساعد دکلدر ، بناء علیه شریعتی مشروطیتله و آنك مقتضایی اولان مساوات حقوقله تألیف امکانی یوقدر ، غیر مسلملر ایسه مسلملر ایله برابر عین حقوقه صاحب بولنق ایستلر . بوده حکومت عثمانیه ده شریعتك دکل، آنجق مشروطیتك حکمران اولماسنه متوققدر . فقط شیخ الاسلاملرکی شریعت مأمورلری وار ایکن احکام شرعیه امال ایدیله مبهجکی جهتله غیر مسلملرک حایة حقوقی متکفل چارملری دوشونك لازم هیر .

بوتجلیلات ، محرر مقاله نك مقصدینه ایست توافق ایتسین ، ایستر ایتمه سین ،
 زمان و موسم اعتباریله بز ، او سوزلری بویله اکلایور و الفاظ و کلماتی ده بوطرز
 تاقیه صولک درجه مساعد بولیورز . بالذات قدسیت شریعت ، زمان و موسم اعتباریله ده
 منفعت دولته مغایر اولان اسنادات مذکوریه رد و تکیذیه جالیشمق اهالی ناقابل
 وظائف دینی و ملیه مزدنذر . شایان نمونیندورکه مقاله نك لزوم مدافعه بی بعض دوائر
 رسمیه طرفندن نظر دفته آله راق مقام مشیخت کیفیتدن خبردار ایدلمش و مقام
 مشیختک ده دارالحکمة الاسلامیه به حواله بی نتیجه سنده دارمذکور هیئت نتیجه صورتی
 ذیل مقاله مزده مندرج بر جواب نامه نشر اولمش سده حقائق شرعیه دن زیاده معارضت
 افعال و حرکات شخصیه به محل ایده بیله چی - وقایع تاریخیه به اسناد ایتدیرلمش
 بولندینی جهتله مقتضای حال و مصلحته موافق بر جواب اولاق شرفندن محروم
 قالمشدر . بز مدافعاتی اساسات شرعیه به اسناد ایتدیرمکه جالیشه جفزا شمدی بز ،
 مقاله محرریله قارشیه قارشیه کلدکن صوکره غیر مسلملرک حقوقیه اساسات
 شرعییه ده قارشیلان شدره لم :

محترم مسافر من ،

بیایر سکزکه انسانلرک ایکی نوع حقوقی واردر : بری حقوق عادیه ، دیگر
 حقوق مدنیه و سیاسیه در . بالطبع غیر مسلملرک ده مسلملرله مشترک بولندقلری
 حقوق عادیه به عائد احکام شرعییه سکزکه برلکده نظر تدقیقندن کچیره لم : بز بر
 صنف علمای شرعیه من واردرکه کندیلرینسه (مجتهد) عنوانی ویریلیر . بونلرک
 وظیفه لری کتاب مقدس مز اولان قرآن جلیلک محتوی بولندینی آیات کریمه و دستاویز
 کلیه ایله حضرت محمدک اقوال و افعال شریفه سنندن احکام دینی و حقوقیه استنباط
 ایتدکدر . ایسته بوزوات کرام ؛ وجوده کتیرمش اولدقلری کتب دینی و حقوقیه مزده
 غیر مسلم افرادک حقوق عادیه سنه متناق اوله زق شواساسی وضع و تاسیس بیور مشلدر .
 [لهم مالنا وعلیهم ما علینا] .. بونک ترجمه سی : [زم مسلملر نعمت و کافرت خصوصاً لرده
 غیر مسلم افراد ایله مشترک بز و بونلردن زیاده بر امتیازه مستحق دکاز] دیمکدر .
 مجتهدلر من ، بودستور حقوقیلرینی خلفا و مجتهدین اسلامیه دن مصاحب رسول الله

حضرت علی افندمرك شو سوزيله تأييد و تقويه ايتكمده درلر: [انما بذلوا الجزية ليكون دماؤهم كدمائنا وأموالهم كأموالنا] . بوسوزك معناسی ده شودر: [بردوات اسلامیه نك تابعیتی قبول ایدمرك ویركو كلفتی عهدسه سنه آلان غیر مسلملرك قائلری قانمز و ماللری ماللز کی تعرض و نجاووزدن مصون و محفوظدر] . بر حكومت اسلامیه ، بر محكمه شرعیه ، مفسر ع بر مسلم ؛ مسلمانلره نه معامله بابیورسه ، ایشته بوکی اساسات شرعیه به استناداً غیر مسلملره ده عین معامله بی باعقله مكلفدر . تملك و تملك و مال و ملكنده تصرف کی حقوق عادیده بر مسلمله غیر مسلك هیچ فرقی بوقدر . شریعت اسلامیه نك ، غیر مسلملرك حقوقه قارشى نه درجه حمایت کار طاوور اندیغه دائر سزه مادی بر مثال ایله بر فلسفه شرعیه سوزیله یلم . مثال : راقی ، شراب ، طوموز کی محرمات شرعیه مسلمانلرجه مال دكلدر . یعنی بر مسلمان اوللره مالك اوله من . بناءً علیه هر ناصلسه بر مسلك آینه كچن محرمات مذكوره دن هر هانگی برخی بر غیر مسلم اتلاف و اضاعه ایله ، اوسلم محكمه به مراجعتله غیر مسلمه تضمین ایتدیره من . حال بوكه محرمات مذكوره غیر مسلملرجه مال بولندی ایچون مسلملر طرفدن اتلاف و اضاعه ایدلدی صورتده اولر ، محكمه به ، همده محكمه شرعیه به مراجعتله قیمتلری آلق حقنی حائر درلر . فلسفه شرعیه : غیر مسلك حقوقه تعرضدن دها زیاده صاقینمق لازمدر ، چونكه متعرض بر مسلم ، آخرتده ، حقوقی دوجار تعرض اولان دیگر بر مسلمه نوابندن ویرمك صورتیه كندیسنی عفو ایتدیره بیلر ، فقط بر غیر مسلمه ثواب ویرمكه كندیسنی عفو ایتدیره میه چكی جهتله هر حالده تعرضه مقابل عذاب چكككددر . كوریورسكزكه شریعت اسلامیه آخرتده بیله ، بر مسلمی عذابدن قورنارمق ایچون ، ایشته یارامیه حق بر ثواب مقابلنده حقندن واز كچمك اوزره بر غیر مسلمی اجبار ایتبور . شریعت اسلامیه نك بوحایه كارلنی لسان شرعده (ذمی) تعبیر اولنان تبعیه منحصر دكلدر ، (مستامن) صقیله توصیف ایدیلان اجنبی مسافرلرده شاملددر . امنیت افراد و امنیت دولتی اخلال ایدمك حرکات نجاووزكارانده بولنادیقه اولر حقنده ده (اهم مالنا وعلیم ماعلینا) دستور شرعیسی تطبیق اولنور . راحت طورمه پیلری بشقه دولتلر تاطیف ایتزكه بر حكومت اسلامیه ده سیرجی وضیتنده قالمون .

بورایه قادار ویردیکم معلومات بجهله و مختصره ایله شریعت اسلامیہ نك ، غیر مسلمانلرک حقوقی نه درجه محافظه ابتدائی ا کلاسیکزن ظنندهیم . شیمدی سزی برآزده بشقه فوقولی ، بشقه چچکلای باغ و بشقه لوده کزدریم : شریعت اسلامیہ نك ، مسلمانلری ویرمکله مکلف طو تدبیری صدقه فطر ، کفارات ، نذر کی برطاقم واجب ویرکولر و صدقه کی صرف انسانی بعض اعانه لواردر . بونلرک فایده و حکمت تشریعی سی فقرانی حایه دن عبارتدر . شریعت اسلامیہ بو خصوصده مسلم فقرا ایله غیر مسلم فقرانی یکدیگرندن تفریق ایتمور . او کی ویرکو و اعانه لک غیر مسلم فقرایه ویرلسنی ده نجوز بیوریور . بواضا حاتمیه غیر مسلمانلرک حایه حقوقی خصوصده تقدیر کارلر کزری مشروطیتدن زیاده شریعت اسلامیہ جلب ایتمک ایسترم . شیمدی برآزده حقوق مدنی و سیاسی حقتنده کوروشلم : یوقاروده کچن سوزلری کزدن ا کلاسیکلرینی وجهله نظر طالب کزده شریعت مانع مساوات ، مشروطیت ایسه کافل مساواتدر . بوراده مساعده کزله سزه الزامی بر سؤال صوره جفم : بشقه دولت و ملت لوده شریعت اسلامیہ کی بر مانع مساوات یوق ، مشروطیتک ایسه اک مکملی واردر . شو حالده اورالده بونون عنصرلرک حقوق مدنی و سیاسی ده مساوی بولمالری لازم کایر . بونوت فعلاً مساویدر لوداعسانده بولنه منسکز ، بولنسه کزیله کیمسه نی ایناندر بره مازسکز . عجباً نیچون دنیانک هیچ بربرنده او مساواتی کورده میوروز ؟ حتی شریعت اسلامیہ نك حکمران بولندینی عنصرلر آره سنده کی مساوات درجه سنده بر مساوات کورمک قابل اوله میورا . بو آثار مادی و فمایدن ا کلاسیورز که دنیانک اک متکامل مشروطیتلری بیله شریعت اسلامیہ نك بشقه عنصرلرک بخش ابتدایی مساوات حقوقی بخش ایده میور .

باقی ذات

اصیلانه کزده بیلدی بر مکجالیشدیغ حقیقتلری منصفانه اوله رق مطالعه بیورمه کزی احتراماتک قبولی ایله برلکده رجا و قنی ایدرم .
مدارس اسلامیہ مدرساندن
خواجه احمد شیرانی